



Broj: 05/1-50-15-26-26-3/23

Sarajevo, 6. 6. 2023.

ZAPISNIK

26. sjednice Nezavisnog odbora Parlamentarne skupštine BiH

Sjednica je održana 6. 6. 2023, s početkom u 17.15 sati.

Sjednicu je sazvao Enes Obraliya, predsjednik Nezavisnog odbora.

PRISUTNI ČLANOVI NEZAVISNOG ODBORA: Enes Obraliya, predsjednik Nezavisnog odbora, Miše Ćavar, prvi zamjenik predsjednika Nezavisnog odbora, Uroš Pena, drugi zamjenik predsjednika Nezavisnog odbora, Muhamed Mujakić, Enes Bezdob, Mate Miletić, Nikola Džambas, Darko Kremenović i Milan Stanić, članovi Nezavisnog odbora.

OSTALI PRISUTNI: Ivana Lovrić, koja obavlja poslove sekretara Nezavisnog odbora.

Sjednicu je pratio i Zoran Žuža iz Sektora za odnose s javnošću Sekretarijata Parlamentarne skupštine BiH.

Sjednicom je predsjedavao predsjednik Nezavisnog odbora Enes Obraliya.

Konstatirajući da postoji kvorum, otvorio je 26. sjednicu Nezavisnog odbora Parlamentarne skupštine BiH.

Prije usvajanja dnevnog reda predsjednik Nezavisnog odbora Enes Obraliya predložio je dopunu dnevnog reda, i to dopunu u tački 4. podtačka b) koja glasi: *Obavještenje Doma naroda Parlamentarne skupštine BiH, broj: 02-50-6-16-5/23 od 5. 6. 2023*, a podtačka b) predloženog dnevnog reda postaje podtačka c).

Ovaj prijedlog usvojen je jednoglasno.

Nakon što je usvojen prijedlog za dopunu dnevnog reda, predsjednik Nezavisnog odbora Enes Obraliya konstatirao je da je usvojen sljedeći

DNEVNI RED

1. Usvajanje Zapisnika 24. sjednice Nezavisnog odbora;
2. Usvajanje Zapisnika 25. sjednice Nezavisnog odbora;
3. Razmatranje predstavke broj: 05/1-50-17-439-2/23 od 25. 4. 2023;
4. Tekuća pitanja:
 - a) Obavještenje Predstavničkog doma Parlamentarne skupštine BiH, broj: 01-50-1-15-6/23 od 24. 5. 2023,
 - b) Obavještenje Doma naroda Parlamentarne skupštine BiH, broj: 02-50-6-16-5/23 od 5. 6. 2023,
 - c) Ostalo.

Ad. 1. Usvajanje Zapisnika 24. sjednice Nezavisnog odbora

Zapisnik 24. sjednice Nezavisnog odbora usvojen je jednoglasno, bez primjedbi.

Ad. 2. Usvajanje Zapisnika 25. sjednice Nezavisnog odbora

Zapisnik 25. sjednice Nezavisnog odbora usvojen je jednoglasno, bez primjedbi.

Ad. 3. Razmatranje predstavke broj: 05/1-50-17-439-2/23 od 25. 4. 2023.

U okviru ove tačke dnevnog reda predsjednik Nezavisnog odbora Enes Obralića istakao je da je na e-mail Nezavisnog odbora pristigla predstavka Irine Lovrić, broj: 05/1-50-17-439-2/23 od 25. 4. 2023, a koja je po prispjeću dostavljena svim članovima Nezavisnog odbora, te otvorio raspravu. Nakon rasprave, u kojoj je učestvovala većina članova Nezavisnog odbora, jednoglasno je konstatirano da Nezavisni odbor nije stvarno nadležan za rješavanje predstavke te da se ona stavi *ad acta*.

Ad. 4. Tekuća pitanja

- a) **Obavještenje Predstavničkog doma Parlamentarne skupštine BiH, broj: 01-50-1-15-6/23 od 24. 5. 2023.**

U okviru ove tačke dnevnog reda predsjednik Nezavisnog odbora Enes Obralića istakao je da je Predstavnički dom Parlamentarne skupštine BiH, dopisom broj: 01-50-1-15-6/23 od 24. 5. 2023. obavijestio ovo tijelo da je na nastavku 6. sjednice, održanom 24. 5. 2023, usvojio Izvještaj o radu Nezavisnog odbora za 2022. godinu i primio k znanju Plan rada Nezavisnog odbora za 2023.

Obavještenje je primljeno k znanju.

b) Obavještenje Doma naroda Parlamentarne skupštine BiH, broj: 02-50-6-16-5/23 od 5. 6. 2023.

U okviru ove tačke dnevnog reda predsjednik Nezavisnog odbora Enes Obralića istakao je da je Dom naroda Parlamentarne skupštine BiH, dopisom broj: 02-50-6-16-5/23 od 5. 6. 2023. obavijestio ovo tijelo da je na 5. sjednici, održanoj 31. 5. 2023, usvojio Izvještaj o radu Nezavisnog odbora za 2022. godinu i primio k znanju Plan rada Nezavisnog odbora za 2023. godinu.

Međutim, s obzirom na to da je predsjednik Nezavisnog odbora bio prisutan sjednici Doma naroda na kojoj su razmatrani Izvještaj Nezavisnog odbora za 2022. i Plan rada Nezavisnog odbora za 2023. godinu te upoznao članove Nezavisnog odbora da je iz Plana rada Nezavisnog odbora za 2023. skinuta tačka 5, a što nije naznačeno u Obavještenju, odlučeno je da se sačeka usvajanje Zapisnika 5. sjednice Doma naroda prije nego što Izvještaj i Plan rada budu postavljeni na veb-stranicu Parlamentarne skupštine BiH.

c) Ostalo

U okviru ove tačke dnevnog reda predsjednik Nezavisnog odbora obavijestio je članove Nezavisnog odbora o zahtjevu po Zakonu o slobodi pristupa informacijama Almedina Šišića, glavnog i odgovornog urednika portala Valter, koji je pristigao na e-mail Nezavisnog odbora, a koji je u skladu sa Zakonom proslijeđen službeniku za informiranje Parlamentarne skupštine BiH. Iz zahtjeva je vidljivo da Nezavisni odbor nema nadležnost za tražene informacije.

Dalje, u okviru ove tačke dnevnog reda, predsjednik Nezavisnog odbora upoznao je prisutne članove da je 24. 5. 2023. proslijedio rang-listu uspješnih kandidata za izbor direktora Direkcije za koordinaciju policijskih tijela Bosne i Hercegovine i zamjenika direktora Granične policije Bosne i Hercegovine Ministarstvu sigurnosti BiH. Također, istakao je da je isti dan uputio i

dopis Ministarstvu sigurnosti BiH da Nezavisni odbor obavijesti da li je rang-listu dostavio Vijeću ministara BiH, jer je odredbama člana 13. stav (3) Poslovnika o radu Nezavisnog odbora kao nezavisnog tijela policijske strukture Bosne i Hercegovine propisano da ako ministar sigurnosti BiH ne dostavi svoj prijedlog i rang-listu uspješnih kandidata Vijeću ministara BiH u roku od deset dana, Nezavisni odbor će u roku od pet dana rang-listu uspješnih kandidata neposredno dostaviti Vijeću ministara BiH na odlučivanje i izbor kandidata. S obzirom da do održavanja ove sjednice Nezavisni odbor nije dobio informaciju Ministarstva sigurnosti BiH, a rok je istekao jučer, predsjednik Nezavisnog odbora otvorio je raspravu. Nakon rasprave, u kojoj je učestvovala većina članova Nezavisnog odbora, jednoglasno je dogovoreno da se sačeka sjednica Vijeća ministara BiH koja je zakazana za 7. 6. 2023, te ukoliko imenovanje direktora Direkcije za koordinaciju policijskih tijela BiH i zamjenika direktora Granične policije BiH ne bude na dnevnom redu, Nezavisni odbor će ponovo uputiti dopis Ministarstvu sigurnosti BiH za dostavljanje informacije.

U okviru ove tačke dnevnog reda Miše Ćavar, prvi zamjenik predsjednika Nezavisnog odbora, i Muhamed Mujakić, član Nezavisnog odbora, informirali su prisutne članove Nezavisnog odbora o aktivnostima podnošenja aplikacije za studijsku posjetu članova Nezavisnog odbora nekoj od zemalja Evropske unije i posjetu njihovom nezavisnom odboru putem programa TAIEX.

Dalje, u okviru ove tačke dnevnog reda, a s obzirom da je period godišnjih odmora, dogovoreno je da će sljedeće sjednice Nezavisnog odbora biti održane 4. 7. 2023. i 22. 8. 2023. u 17.15 sati u Sarajevu.

Predsjednik Nezavisnog odbora Enes Obralića zaključio je sjednicu u 18.20 sati.

SEKRETARKA
NEZAVISNOG ODBORA

Ivana Lovrić

PREDSJEDNIK
NEZAVISNOG ODBORA

Enes Obralića